

**ACTA DA XUNTA DE GOBERNO LOCAL**  
**Sesión do 11 de xuño de 2009**

**ASISTENTES:**

**NON ASISTEN:**

**Membros :**

D. Abel Caballero Álvarez  
D<sup>a</sup> Isaura Abelairas Rodríguez  
D. Francisco Xabier Alonso Pérez  
D. Xulio Calviño Rodríguez  
D. Santiago Domínguez Olveira  
D. Carlos López Font  
D. Eudasio Álvarez Álvarez  
D<sup>a</sup> M<sup>a</sup> Xosé Méndez Piñeiro  
D. Santos Héctor Rodríguez Díaz  
D. José Manuel Mariño Mendoza

**Invitados:**

D<sup>a</sup> María Jesús Lago Rey  
D. Angel Rivas González

D<sup>a</sup> Raquel Díaz Vázquez  
D<sup>a</sup> Laura López Atrio  
D<sup>a</sup> Iolanda Veloso Ríos  
D. Xesús López Carreira

Na Casa do Concello de Vigo, ás nove horas e once minutos do día once de xuño de dous mil nove e baixo a presidencia do Excmo. Sr. Alcalde, Sr. Caballero Alvarez, coa asistencia dos concelleiros/as anteriormente citados, actuando como Secretaria a concelleira, Sra. Abelairas Rodríguez, constitúese a Xunta de Goberno Local desta Corporación co obxecto de realizar sesión EXTRAORDINARIA E URXENTE de acordo coa orde do día remitida a tódolos membros coa antelación legal precisa.

Están tamén presentes por invitación, o titular do órgano de apoio á Xunta de Goberno Local, Sr. Lorenzo Penela, o interventor xeral, Sr. González Carnero, titular da Asesoría Xurídica, Sr. González Yebra-Pimentel..

A Xunta de Goberno Local adopta os seguintes acordos:

## **1(809).- RATIFICACIÓN DA URXENCIA.**

A Xunta de Goberno local ratifica a urxencia da sesión.

2(810).- DECLARACIÓN DE ZONA PROTEXIDA NA RÚA JOAQUÍN LÓRIGA E O SEU ENTORNO AO ABEIRO DO ART. 6 DA ORDENANZA MUNICIPAL REGULADORA DA CONVIVENCIA CIDADÁ E O OCIO. EXPTE. 76157/210.

Examinadas as actuacións do expediente, dáse conta do informe-proposta da xefa de Seguridade, do 10.06.09, conformado polo concelleiro delegado de Mobilidade, Seguridade e Transportes, que di o seguinte:

### I. ANTECEDENTES DE FEITO:

*I.1.- A instancia do Valedor do Cidadán, “G.O.C, S.A”, empresa homologada pola Xunta de Galicia para realizar medicións acústicas e vibratorias e acreditada por ENAC para realizar inspeccións de ruído ambiental, procedeu a avaliar a variación dos niveis sonoros nocturnos de inmisión existentes na vivenda sita na rúa Ecuador nº 29 - piso 2º, de Vigo, producida polo ruído de ocio derivado da aglomeración de persoas concentradas na vía pública.*

*A inspección acústica realizouse polos técnicos de “G.O.C, S.A” na madrugada do día 27 ao 28 de outubro de 2006. Segundo consta no informe de resultados nº 36-060196-CC-01, a información acústica recollida na vivenda analizada reflexa como o ruído de ocio induce un incremento nos seus niveis sonoros interiores.*

*Deste xeito, a medición sonométrica realizada ás 21:20 horas do 27.10.2006 no salón da vivenda en ausencia de ruído de ocio nocturno provocado pola aglomeración de persoas na vía pública, constatou un valor de 37,7 dB(A). Dito valor incrementouse coa presenza do ruído de ocio nocturno, por canto realizouse medición ás 02:33 horas do 28.10.2006 co resultado 47 dB(A).*

*Do mesmo xeito, realizouse medición sonométrica no dormitorio da vivenda. Dita medición realizada ás 21:24 horas do 27.10.2006 en ausencia de ruído de ocio nocturno, constatou un valor de 38,2 dB(A). Dito valor incrementouse coa presenza do ruído de ocio nocturno, por canto realizouse medición ás 02:36 horas do 28.10.2006 co resultado 45,4 dB(A).*

*I.2.- Con rexistro de entrada 23.05.2007, docum. nº 70061896, Dona María Carlota Nogueira De Abreu, actuando en representación da veciñanza afectada polo ruído do ocio nocturno da rúa Joaquín Loriga e das súas inmediacións, presentaba escrito solicitando a declaración da rúa Joaquín Loriga como zona acusticamente saturada.*

*I.3.- Mediante parte de servizo de data 30.12.2007, a Policía Local informaba que nas inmediacións*

*das rúas Ecuador e Joaquín Loriga concéntranse regularmente na vía pública preto de 900 ou 1.000 persoas aproximadamente, especialmente as noites dos xoves, venres e sábados. Os axentes actuantes constataron a práctica do “botellón”, consumo de alcohol e outras bebidas na vía pública, práctica que ocasiona numerosas molestias á veciñanza, tales como ruído, abandono de residuos sólidos urbanos, suciedade, etc ...*

*I.4.- Mediante parte de servizo de data 24.01.2008, a Policía Local informaba sobre a existencia de diversos danos ao patrimonio municipal (papeleiras e contenedores rotos...) nas inmediacións das rúas Joaquín Loriga e Ecuador. Asemade, informan da suciedade existente nos accesos aos garaxes das vivendas sitas na zona, onde os xóvenes practicantes do botellón orinan e abandonan numerosos residuos sólidos urbanos (vasos, botellas, ...).*

*I.5.- Con rexistro de entrada 10.04.2008, docum. nº 80043088, Don Jacobo Toujeiro Sierto e Dona María Tourón Figueroa Porto, actuando en representación da veciñanza afectada polo ruído do ocio nocturno da rúa Joaquín Loriga e das súas inmediacións, presentaban escrito denunciando a penosa situación que veñen sufrindo dende marzo de 2005 a consecuencia do botellón e asemade, solicitan ao Concello a adopción de medidas urxentes para combatir o mesmo.*

*I.6.- Mediante parte de servizo de 19.07.2008, a Policía Local informaba sobre a existencia dun xoven inconsciente, cun coma etílico, na zona do botellón do entorno de Joaquín Loriga, e do seu posterior traslado ao Hospital Menxueiro de Vigo.*

*I.7.- Mediante parte de servizo de 11.10.2008, a Policía Local informaba que nas inmediacións das rúas Joaquín Loriga e Ecuador concéntranse na vía pública preto de 800 persoas aproximadamente, especialmente as noites dos xoves, venres e sábados. Os axentes actuantes constatan a práctica do “botellón”, consumo de alcohol e outras bebidas na vía pública, ocasionando gran alboroto e molestias diversas á veciñanza.*

*I.8.- Mediante parte de servizo de 13.10.2008, a Policía Local informaba que nas inmediacións das rúas Joaquín Loriga e Ecuador concéntranse na vía pública preto de 800 persoas aproximadamente ás 01:00 horas consumindo bebidas de todo tipo.*

*I.9.- Mediante parte de servizo de 18.10.2008, a Policía Local informaba que nas inmediacións da rúa Joaquín Loriga concéntranse na vía pública gran cantidade de persoas de xeito continuo, especialmente as noites dos xoves, venres e sábados, consumindo alcohol e outras bebidas. Constatan que ditas concentracións ocasionan numerosas molestias á veciñanza, tales como abandono de residuos sólidos urbanos na vía pública (botellas, plásticos ... ), desperfectos varios (graffitis... ), suciedade nas beirarrúas (restos de alcohol ... ), etc.*

I.10.- Mediante parte de servizo de 26.10.2008, a Policía Local informaba que un grupo de xóvenes, practicantes do botellón na zona, desprazaron o vehículo propiedade do denunciante Don Ramón Javier Fernández Samaniego ao medio da rúa Ecuador, á altura do colexio Enseñanza.

I.11.- Con rexistro de entrada 06.11.2008, docum. nº 80139907, Don Jacobo Toujeiro Sierto e Dona María Tourón Figueroa Porto, actuando en representación dos veciñanza afectada polo ruído do ocio nocturno da rúa Joaquín Loriga e das súas inmediacións, reiteraban denuncia con relación á penosa situación que veñen sufrindo desde fai anos a consecuencia do botellón. Adxuntan mais de oitocentas firmas demandando unha pronta solución á problemática denunciada que ven vulnerando os seus dereitos fundamentais.

I.12.- Mediante parte de servizo de 06.12.2008, a Policía Local informaba sobre o feito de que é costume nalgúns xóvenes practicantes do botellón orinar nos accesos dos garaxes sitos na rúa Ecuador.

I.13.- Co obxecto de solucionar a problemática derivada do fenómeno do botellón, o Pleno do Concello de Vigo, unha vez observada a tramitación pertinente, na sesión plenaria ordinaria celebrada o 30.03.2009, acordaba aprobar definitivamente a Ordenanza Municipal reguladora da convivencia cidadá e o ocio do termo municipal de Vigo (exp. adm nº 75607/210/2008) (BOP nº 75, de 22 de abril).

I.14.- Con data 20 de abril de 2009 a Xunta de Goberno Local adoptaba o seguinte acordo (exp. 76157/210):

“ PRIMEIRO: Declarar, ao abeiro do establecido no artigo 6 en relación co artigo 5.1 da Ordenanza Municipal reguladora da convivencia cidadá e o ocio do termo municipal de Vigo, como zonas protexidas as seguintes rúas e tramos de rúas:

- A rúa Ecuador no seu tramo comprendido entre as rúas Simón Bolívar e Finisterre.
- A rúa Venezuela no seu tramo comprendido entre as rúas Simón Bolívar e Finisterre.
- A rúa Simón Bolívar no seu tramo comprendido entre as rúas Ecuador e Venezuela.
- A rúa Panamá no seu tramo comprendido entre as rúas Ecuador e Venezuela.
- A rúa Joaquín Loriga no seu tramo comprendido entre as rúas Ecuador e Venezuela.
- A rúa Finisterre.

SEGUNDO: Prohibir con carácter xeral, as 24 horas do día e tódolos días da semana, a permanenza e concentración de persoas nestes espazos abertos que se atopen consumindo bebidas de calquera tipo ou realizando outras actividades alterando gravemente a pacífica convivencia cidadá.

*TERCEIRO: Sinalizar verticalmente a zona declarada como protexida.*

*CUARTO: De conformidade co artigo 86 da Lei 30/1992, de 26 de novembro, de réxime xurídico das administracións públicas e do procedemento administrativo común, someter o expediente nº 76157/210/2009 a información pública por un prazo de 20 días mediante anuncio publicado no BOP e exposición no taboleiro de editos do Excmo. Concello de Vigo, para quen se considere afectado dalgún xeito polo presente acordo poida alegar o que considere oportuno. O prazo de información pública entenderase aberto dende o día seguinte á publicación do anuncio no BOP e rematará transcorridos vinte días hábiles do mesmo.*

*O expediente atópase a disposición do público en xeral e pódese consultar na Área de Mobilidade, Transportes e Seguridade (sita no soto 1º da Casa do Concello, Praza do Rei s/n, Vigo).*

*QUINTO: Declarar que, de non se presentar ningunha reclamación ou suxestión, entenderase definitivamente aprobado o acordo ata entón provisional da Xunta de Goberno Local, debéndose publicar no BOP segundo establecido no artigo 59.6.a) da Lei 30/1992, de 26 de novembro, de réxime xurídico das administracións públicas e do procedemento administrativo común, entrando en vigor ao día seguinte da devandita publicación.*

*SEXTO: Condicionar a eficacia deste acordo á entrada en vigor da Ordenanza Municipal reguladora da convivencia cidadá e o ocio do termo municipal de Vigo aprobada por acordo plenario de 30.03.2009.”*

*I.15.- Devandito acordo (exp. nº 76157/210) publicouse no BOP nº 90, de 14.05.2009, e segundo consta na certificación do Secretario Xeral Adxunto de 10 de xuño de 2009, non se presentaron alegacións durante o período de información pública.*

## **II. NORMATIVA APLICABLE:**

- Constitución Española de 27.12.1978.
- Lei 30/1992, de 26 de novembro, de réxime xurídico das administracións públicas e do procedemento administrativo común (modificada pola Lei 4/1999, de 13 de xaneiro).
- Lei 7/1985, de 2 de abril, reguladora das bases de réxime local e demais disposicións regulamentarias.
- Lei 5/1997, de 22 de xullo, de administración local de Galicia.
- Lei 57/2003, de 16 de decembro, de medidas para a modernización do goberno local.
- Lei 14/1986, de 25 de abril, xeral de sanidade.
- Lei 2/1996, de 8 de maio, sobre drogas de Galicia.
- Lei orgánica 1/1992, de 21 de febreiro, de protección da seguridade cidadá.
- Lei orgánica 9/1983, de 15 de xullo, reguladora do dereito de reunión.
- Lei 10/1998, de 21 de abril, de residuos.

- Lei 10/2008, de 3 de novembro, de residuos de Galicia.
- Lei 37/2003, de 17 de novembro, do ruído e demais disposicións regulamentarias.
- Lei 7/1997, de 11 de agosto, de protección contra a contaminación acústica de Galicia e demais disposicións regulamentarias.
- Lei 13/2006, de 27 de decembro, reguladora dos horarios comerciais de Galicia.
- Ordenanza Municipal de protección do medio contra a contaminación acústica producida pola emisión de ruídos e vibracións (BOP nº 198, de 16.10.2000).

### III.- FUNDAMENTOS DE DEREITO:

*A utilización masiva dos espazos públicos como lugares de diversión xuvenil para o encontro e o ocio, mediante o coñecido “botellón”, constitúe un fenómeno social de moda que, en moitos casos, é fonte de diferente problemática que incide no normal desenvolvemento da convivencia cidadá.*

*Partindo da consideración, segundo consta na Ordenanza Municipal reguladora da convivencia cidadá e o ocio (O.M.C.O), de que estas concentracións de persoas na vía pública son unha expresión do dereito fundamental de reunión establecido no artigo 21 da C.E, débese lembrar a importante S.T.C 42/2000, de 14 de febreiro, onde o Tribunal Constitucional, unha vez máis, manifesta que o dereito de reunión non é un dereito absoluto e ilimitado, senón que de igual xeito que outros dereitos fundamentais, ten límites. Nesta liña, a exposición de motivos da O.M.C.O establece que o dereito de reunión ten o seu límite no respecto doutros dereitos constitucionais como son o dereito á intimidade persoal e familiar (art. 18 C.E), o dereito á liberdade de circulación (art. 19 C.E), o dereito á salubridade e saúde pública, especialmente dos menores (art. 43 C.E), o dereito a disfrutar dun medio ambiente adecuado para o desenvolvemento da persoa (art. 45 C.E) e mailo dereito a una vivenda digna e adecuada, libre de ruídos (art. 47 C.E).*

*Considerando que a Lei 2/1996, de 8 de maio, sobre drogas de Galicia, non prohibe o consumo de alcohol na vía pública, a O.M.C.O establece un sistema para prohibir a permanencia e concentración das persoas en espazos abertos do termo municipal de Vigo que se atopen consumindo bebidas de calquera tipo ou realizando outras actividades, cando alteren gravemente a pacífica convivencia cidadá.*

*É un órgano colexiado, tal é a Xunta de Goberno Local, quen determine, con celeridade e motivadamente, ao abeiro do disposto no art. 6 da O.M.C.O, cando as actividades ás que se se refire o art. 5.1) da Ordenanza alteran gravemente a convivencia cidadá. Deste xeito considerárase alterada gravemente a convivencia cidadá, cando concorran varias das seguintes*

#### **CIRCUNSTANCIAS:**

- A.- Alto número de persoas concentradas nos espazos abertos. O elevado número de persoas estará en relación coa superficie do espazo e mailo número de vivendas existentes no entorno.*

*B.- As concentracións terán carácter continuado no tempo, non considerándose as concentracións de persoas ocasionais ou puntuais.*

*C.- Existencia de reiteradas queixas cidadás, denunciando as molestias derivadas de ditas concentracións.*

*D.- Existencia de actos vandálicos producidos na zona que ocasionasen danos en bens públicos ou privados.*

*E.- Informes municipais constatando a contaminación derivada da masiva concentración de persoas (contaminación acústica, problemas hixiénicos-sanitarios ou situacións de insalubridade).*

*Considerando os fundamentos expostos, e partindo da consideración que non existe normativa autonómica ou estatal que prohiba o consumo de alcohol na vía pública, o Concello de Vigo optou no exercicio da súa potestade regulamentaria pola limitación do dereito fundamental de reunión naqueles supostos onde se constate a vulneración doutros dereitos constitucionais.*

#### *IV.- ALTERACIÓN GRAVE DA CONVIVENCIA CIDADÁ NA RÚA JOAQUÍN LORIGA E NAS SÚAS INMEDIACIÓNS:*

*Durante a tramitación do presente expediente téñense acreditado as seguintes CIRCUNSTANCIAS:*

*A.- Que na rúa Joaquín Loriga e nas súas inmediacións vense producindo desde fai anos unha alta concentración reiterada de persoas, aproximadamente 900 ou 1.000, segundo consta nos partes de servizo da policía local de datas 30.12.2007, 11 e 13.10.2008, consumindo bebidas de calquera tipo e realizando outras actividades, alterando gravemente a pacífica convivencia.*

*B.- Resulta probado que estas concentracións teñen carácter continuado no tempo:*

*Prodúcense de forma continuada desde o ano 2006 aproximadamente. Así as cousas, a instancia do Valedor do Cidadán, "G.O.C, S.A", empresa homologada pola Xunta de Galicia para realizar medicións acústicas e vibratorias e acreditada por ENAC para realizar inspeccións de ruído ambiental, procedeu en outubro de 2006 a avaliar a variación dos niveis sonoros nocturnos de inmisión existentes nunha vivenda da referida zona ruidosa, producida polo ruído de ocio derivado da aglomeración de persoas concentradas na vía pública.*

*C.- Existencia de reiteradas queixas cidadás denunciando as molestias derivadas de ditas concentracións:*

*Tráese a colación a denuncia presentada por Dona María Carlota Nogueira De Abreu, actuando en representación dos vecinos afectados polo ruído do ocio nocturno da rúa Joaquín Loriga e das súas inmediacións, con rexistro de entrada 23.05.2007, docum. nº 70061896. Asemade, con rexistro de entrada 10.04.2008, docum. nº 80043088, Don Jacobo Toujeiro Sierto e Dona María Tourón Figueroa Porto, actuando en representación dos veciñanza afectada polo ruído do ocio nocturno da rúa Joaquín Loriga e das súas inmediacións, presentaban escrito denunciando a penosa situación que veñen sufrindo dende marzo de 2005 a consecuencia do botellón e asemade solicitan a adopción de medidas urxentes para combatir o mesmo. E de novo, con rexistro de entrada 06.11.2008, docum. nº 80139907, Don Jacobo Toujeiro Sierto e Dona María Tourón Figueroa Porto, actuando en representación da veciñanza afectada polo ruído do ocio nocturno da rúa Joaquín Loriga e das súas inmediacións, reiteraban denuncia con relación á penosa situación que veñen sufrindo desde fai anos a consecuencia do botellón. Adxuntan mais de oitocentas firmas demandando unha pronta solución á problemática denunciada que ven vulnerando os seus dereitos fundamentais.*

*D.- Existencia de actos vandálicos producidos na zona ocasionando danos en bens públicos e privados:*

*É un feito probado que en ocasións os asistentes ao botellón, segundo consta nos partes de servizo obrantes no expediente elaborados pola Policía Local, causan danos ao patrimonio municipal (por ex. papeleiras e contenedores rotos...), así como no patrimonio privado (ex. realizan pintadas de graffitis nas paredes dos inmobles, desprazamento de vehículo ao medio da calzada ...).*

*E.- Resulta acreditada a diversa contaminación derivada da masiva concentración de persoas (contaminación acústica, problemas hixiénicos-sanitarios, situacións de insalubridade e abandono de residuos sólidos urbanos na vía pública).*

*Consta no expediente informe de resultados elaborado por “G.O.C, S.A” sobre a variación dos niveis sonoros nocturnos de inmisión existentes nunha vivenda da zona, producida polo ruído de ocio derivado da aglomeración de persoas concentradas na vía pública. Tense acreditado que as noites nas que se celebra botellón na zona supéranse en 14,5 dB(A) os valores máximos permitidos no ambiente interior pola ordenanza municipal de protección do medio contra a contaminación acústica producida pola emisión de ruídos e vibracións (Vid. Táboa 2 do anexo á Ordenanza).*

*Polo exposto, resulta acreditado no presente expediente que na rúa Joaquín Loriga e nas súas inmediacións vense producindo desde fai anos unha masiva concentración reiterada de persoas que altera gravemente a pacífica convivencia cidadá, considerada como tal nos termos previstos no artigo 6 da Ordenanza Municipal reguladora da convivencia cidadá e o ocio.*



Co obxecto de garantir os dereitos constitucionais á intimidade persoal e familiar (art. 18 C.E), o dereito á liberdade de circulación (art. 19 C.E), o dereito á salubridade e saúde pública, especialmente dos menores (art. 43 C.E), o dereito a disfrutar dun medio ambiente adecuado para o desenvolvemento da persoa (art. 45 C.E) e mailo dereito a una vivenda digna e adecuada, libre de ruídos (art. 47 C.E), o Concello de Vigo establece a prohibición da permanenza e concentración das persoas nos espazos abertos do termo municipal de Vigo, que a continuación se concretan, que se atopen consumindo bebidas de calquera tipo ou realizando outras actividades alterando gravemente a pacífica convivencia cidadá.

Decláranse como zonas protexidas as seguintes rúas e tramos de rúas:

- A rúa Ecuador no seu tramo comprendido entre as rúas Simón Bolívar e Finisterre.
- A rúa Venezuela no seu tramo comprendido entre as rúas Simón Bolívar e Finisterre.
- A rúa Simón Bolívar no seu tramo comprendido entre as rúas Ecuador e Venezuela.
- A rúa Panamá no seu tramo comprendido entre as rúas Ecuador e Venezuela.
- A rúa Joaquín Loriga no seu tramo comprendido entre as rúas Ecuador e Venezuela.
- A rúa Finisterre.

#### PROPOSTA DE ACORDO PARA A XUNTA DE GOBERNO LOCAL:

Á vista dos feitos e fundamentos de dereito expostos, PROPONSE Á XUNTA DE GOBERNO LOCAL A ADOPCIÓN DO SEGUINTE ACORDO:

Primeiro.- Declarar, ao abeiro do establecido no artigo 6 en relación co artigo 5.1 da ordenanza municipal reguladora da convivencia cidadá e o ocio do termo municipal de Vigo, como zonas protexidas as seguintes rúas e tramos de rúas:

- A rúa Ecuador no seu tramo comprendido entre as rúas Simón Bolívar e Finisterre.
- A rúa Venezuela no seu tramo comprendido entre as rúas Simón Bolívar e Finisterre.
- A rúa Simón Bolívar no seu tramo comprendido entre as rúas Ecuador e Venezuela.
- A rúa Panamá no seu tramo comprendido entre as rúas Ecuador e Venezuela.
- A rúa Joaquín Loriga no seu tramo comprendido entre as rúas Ecuador e Venezuela.
- A rúa Finisterre.

Segundo.- Prohibir con carácter xeral, as 24 horas do día e tódolos días da semana, a permanenza e concentración de persoas nestes espazos abertos que se atopen consumindo bebidas de calquera tipo ou realizando outras actividades alterando gravemente a pacífica convivencia cidadá.

Terceiro.- Sinalizar verticalmente a zona declarada como protexida.

*Cuarto.- Declarar, ao non se presentar ningunha reclamación ou suxestión durante o período de información pública, definitivamente aprobado o acordo da Xunta de Goberno Local de 20 de abril de 2008.*

*Quinto.- Publicar o presente acordo no BOP segundo establecido no artigo 59.6.a) da Lei 30/1992, de 26 de novembro, de réxime xurídico das administracións públicas e do procedemento administrativo común, que entrará en vigor ao día seguinte da devandita publicación.*

*Indicar aos interesados/as que o acordo que se notifica pon fin á vía administrativa ao abeiro do disposto no artigo 109.c) da Lei de Réxime Xurídico das Administracións Públicas e do Procedemento Administrativo Común 30/1992, de 26 de novembro. Contra este acto administrativo poderá interpoñerse recurso potestativo de reposición ante o mesmo órgano que o ditou no prazo de un mes contado a partir do día seguinte ao da presente notificación, de acordo co disposto nos artigos 116 e 117 da Lei 30/1992. Asemade, poderá interpoñerse directamente recurso contencioso-administrativo perante o Xulgado do Contencioso-Administrativo de Vigo segundo o previsto nos artigos 1, 8, 25.1, 46.1 da Lei 29/1998, do 13 de xullo, reguladora da Xurisdición Contencioso-Administrativa, 116 e concordantes da Lei 30/1992, no prazo de dous meses contados dende o día seguinte ao da presente notificación; sen prexuízo da interposición polo/a interesado/a de calquera outro recurso que estime procedente conforme a Dereito.*

E sen ter máis asuntos que tratar, o Sr. presidente rematou a sesión ás nove horas e trece minutos. Como secretaria dou fé.

me.

A CONCELLEIRA-SECRETARIA  
DA XUNTA DE GOBERNO LOCAL,

Isaura Abelairas Rodríguez.